


滿洲名臣傳

三下




內閣文庫	漢書類
二二〇五號	
一六〇冊	
三八函	
一四架	

內閣文庫	漢
二二	
二九〇	

內閣文庫	
番號	漢 230c
冊數	160 (6)
函號	290 43





世祖章皇帝定鼎京師授保定巡撫駐正定
 明三閔總兵郝之潤既投誠願除寇自効旋
 以被劾解任文奎將抵任得其手書且聞某
 率部卒馳至倒馬關暫駐形跡乘張慮其外
 逼由右流寇釀成禍患特劄諭寬慰曉以禍
 福旋令總兵吳勝兆率精銳步騎疾馳赴鎮
 以備不虞而密疏奏請收其所部以需後效
 之潤遂留保定文奎策遣先是繼南未定土
 賊蜂聚若大名之開州內黃正定之井陘獲

開州名臣傳卷三

鹿保定之東鹿唐完所在千百成羣焚掠村
堡文武守吏分勦不遑間復招撫諭降給劄
獎勸而賊勢愈熾一賊聞勦羣賊援拒文奎
既蒞任訓練標兵飭厲將士與按臣衛周允
商摧機宜設策勦撫賊党趙崇陽等數百人
絡繹歸誠會寧晉叛寇韓國璧等抗師負固
文奎卽遣崇陽星夜擒勦陣斬國璧殲其逆
党復遣署總兵王燦等討滅香鑪寨賊渠錢
子亮喬家寨賊渠趙建英別遣守備劉文選

等攻圍深州賊渠于小安晉州賊渠馬數全
所至賊巢蕩洗于是冀州賊郭世先保定賊
李庫內黃賊李君相順德賊袁三才等數十
渠魁一時並就俘戮賊党解散其投誠驍健
猷械及馬愿自効者收標下驅策之畿南始
定十二月疏薦明修撰兼給事中陳名夏才
學兼優可當倚任章下所司是時保定等府
州縣徵納賦課猶沿襲明季舊例有優免太
濫致虧正額者亦有取盈攤派刻薄厲民者

文奎奏定悉照正條一切陋弊概行禁革又以寧晉莊地利廣租輕多爲各郡邑豪右佔據遞年捕欠籽粒銀兩守令代償墊解疏請嗣後凡莊地盡召土著小民佃種立甲征收豪右紳衿概行禁絕明年正月疏言畿南兵燹之餘民力困竭每歲解京之綿絲等物俱購之別省既難卽得且物貴民貧運解不易請俱改爲折色二月又疏請各衛所地畝錢糧令州縣征收屯丁兼屬管攝凡軍宅屯莊

概入保甲且于邊戍旣裁軍裝雜派之需應行革除諸疏並見採擇四月天津土寇李聯芳張成軒等橫行南皮鹽山間聚眾千人文奎遣都司楊澄守備徐景山等率精銳間道星馳擒勦復與天津道陳鵬舉等分路追襲擒斬聯芳等九十三人
特旨嘉獎旋

命調任陝西未赴任復

詔仍留保定巡撫五月擢淮揚漕運總督文

奎以漕運當明代末年百務隳廢加以江淮
寇殘兵虐凋瘵之後今欲規創一新永垂久
遠事非易易奏請

陛見叩聆

聖訓有

旨淮揚初定督漕正急着星馳授事殫力經
理以副委任文奎至則淮揚徐三府方遭寇
逆高進忠魏用通高陞之亂文奎檄調官兵
剿撫並用先諭降進忠營將孔道興等八人

皆率所屬兵丁戰艦軍械投誠進忠等遂潛
遁入海有僞招討鄂報國僞兵部司邦基者
假擁立明宗新昌王爲名訛言惑衆于是魏
用通高陞復突入河內拒捕劫殺鎮臣王天
寵率將士奮擊陣斬高陞文奎遣遊擊裴應
陽與降將孔道興等追斬魏用通于白駒場
賊衆殲滅殆盡尋鄂報國司邦基爲其將王
大功馬西綠擒縛以獻進忠走崇明納降十
二月復擒斬如率叛渠于錫藩劉一確等散

南州石印

其餘党萬餘人海濱底定三年二月奏增設
淮北淮南淮西各道標營兵戰艘八月邳州
土寇楊秉孝王君寔等嘯聚餘党掠民肆害
將攻邳城文奎率淮徐道張兆熊調兵擒斬
之十月疏請禁革漕弊其畧曰江南蘓松等
府征漕前代以來積弊殊甚有司催征止及
城鄉小戶運船到次先兌民糧里書倉蠹串
通旂丁抑勒需索小民受累非一官戶儒戶
之糧堆貯私家運官旂丁沿門赴兌米色好

醜斗齟完欠概置不問此紳衿誤漕之害也
府縣吏胥假濟農倉耗米爲名乾沒侵肥臨
兌升合無完此吏胥誤漕之害也臣請嗣後
不論官戶儒戶濟農名色概令有司與民戶
一体督催及時上倉候船領兌如倉糧驗係
乾潔運船刁難不速領兌者領運官重寘以
法如紳衿豪勢抗不交倉以致稽延漕運者
題劾逮問並治有司以不能革弊之罪部議
准行且著爲令四年正月以擅免荒田稅賦

清獻公傳卷三
又瀆請明朝陵寢祀典坐革職五年十二月
起補宏文院學士六年正月充纂修
太宗寔錄副總裁官二月充會試主考官八
年閏二月部議文奎于大學士剛林等擅改
寔錄不行陳奏應革職議政王大臣等覆勘
論文奎罪得

旨免議四月復受

命往淮揚總督漕運七月疏陳漕政四事一
曰慎選運官明季世職既裁勢必選用舊弁

其身家殷寔者又多巧爲規避所餘窮員無
幾以致白丁市僧鑽營領運無不逋欠今請
一体遴選道府各官毋許徇隱一日清核舍
餘前明衛所世職裁汰既久所有親族謂之
舍餘不入民籍不當軍差今請旂丁十名以
舍二軍八爲率以均勞逸一日合選殷丁一
伍之中殷寔有限今請自臣衙門爲始不論
吏書及生員之餘丁悉令僉選不許隱庇一
日清勾黃快屯丁江南各衛軍丁明季編定

各差如屯軍領種屯田歲照科則輸糧黃快
船丁每年止納丁銀三錢運戶則專供撥運
近來運戶稍富厚者皆竄入黃快屯軍借爲
護符以致運戶日減僅餘空乏閑丁僉報抵
數今請嚴察清勾以杜隱漏之弊下部議行
十年十月膠州總兵海時行叛文奎奉
命偕直隸河南山東總督馬光輝統官兵進
勦軍次永城兩路夾擊俘斬甚衆時行勢窮
自殺其黨李文進率子弟及所部赴軍前降

文奎以功加一級

予廕一子時江北廬鳳淮揚等府州縣水旱
相繼被災甚者已奉

詔蠲免文奎請將十年漕糧照被災分數議
折十年現征及九年前宿逋酌量蠲免部臣
以漕糧爲軍餉儲需萬難議折而搯通及廬
鳳各屬覆勘被災分數尙未詳悉申報亦難
議蠲往返咨駁各屬候覆改折至冬盡猶未
開徵十一年通泰海濱叛寇朱周鎮稱僞號

糾眾惑民爲同謀者所首文奎遣兵擒獲悉
誅其黨又奏墾江北荒屯地九千九百餘頃
是歲九月以催運稽遲降三級調用尋補陝
西督糧道卒于官入祀名宦祠

陳泰列傳

陳泰滿洲廂黃旗人姓鈕祜祿氏額亦都孫
也父日車爾格陳泰初以護軍忝領從征攻
明錦州遇寧遠援兵先眾直入斬執燾者獲
其燾馬天聰三年從

太宗文皇帝征明北京駐軍德勝門外分兵
攻巡撫袁崇煥營遇伏奮擊有斬獲五年大
軍圍大凌河城明監軍道張春率眾赴援陳
泰設伏擒其偵卒復以步戰殲敵眾崇德元
年從征朝鮮與副都統薩穆什喀乘夜襲黃
州守將營三年隨睿親王多爾袞率師征明
敗明兵于豐潤縣攻內監馮永盛總兵侯世
祿營皆拔之又以護軍三十敗總兵祖大壽
騎卒百餘俘獲紀功五年隨征明錦州有降

明蒙古孛班代來歸陳泰率之進攻杏山敗
敵兵獲牲畜六年圍錦州敗松山兵我樵採
者爲敵兵所困陳泰率兵六人援之出又敗
敵兵之來襲我後隊者連戰皆捷遂克其郭
是年由騎都尉世職晉三等輕車都尉七年
從圍錦州掘壕困松山明兵夜犯正黃旂蒙
古營陳泰往援擊敗之八年隨貝勒阿巴泰
等征明敗總兵馬科于渾河築浮梁以濟明
總督范志完以兵來拒復擊之至山東攻克

東阿汶上寧陽三城晉二等輕車都尉順治
元年從入山海關破走流賊李自成明年
世祖章皇帝詔敘勲臣晉一等輕車都尉四
年授禮部侍郎從征湖廣敗流賊一隻虎于
荊州尋奉

命爲靖南將軍同副都統棟阿賚征福建至
則擊賊渠曹大鎬敗之又于建寧敗賊張耀
星步兵四千克同安平和二城五年破海逆
鄭彩兵彩遁入海復長樂連江二縣擒偽總

督顧世臣等十一人于興化斬之以次克復郡縣全閩底定奉

旨嘉獎六年授護軍統領七年論功晉二等男擢刑部尙書八年二月遷吏部尙書三月授國史院大學士七月以加上皇太后尊號誤增

恩詔赦欵奉

上詢問以有例對下廷議坐巧飾誑奏罷任降世職爲一等輕車都尉九年正月起爲禮

部尙書二月充會試主考官三月授廂黃旗都統先是兩遇

恩詔晉三等子兼一雲騎尉旋以吏部

覃恩陞襲過濫

命改爲一等輕車都尉兼一雲騎尉至是奉特旨晉二等子十年授寧南靖寇大將軍征湖廣十一年改吏部尙書兼都統仍任大將軍十二年流賊張獻忠餘黨孫可望遣賊帥劉文秀與賊將盧明臣馮雙禮等帥衆六萬

樓船千餘分兵犯岳州武昌而文秀以精兵
攻常德陳泰遣護軍統領蘓克薩哈設伏以
待泰領呼尼牙羅和先與賊遇擊敗其衆復
令泰領蘓拜希福等並以舟師迎擊入旂繼
進三戰三捷賊復列艦拒戰發伏兵擊之焚
其船賊大敗別遣兵破賊衆于德山下師抵
龍陽縣賊又集兵二千來犯我兵奮勦賊潰
奔明臣赴水死獲禮被創遁文秀走貴州降
其偽副將等四十餘員兵三千餘敘功晉世

襲一等子兼一雲騎尉未幾以疾卒于軍明
年正月

世祖召凱旋諸臣勞之以酒

諭曰大將軍陳泰南征効力卒于戎行朕甚
傷悼因揮淚不已復

諭學士麻勒吉等曰若大將軍班師生入國
門朕將親酌宴勞不意中途棄捐不復相見
爾等以此一觴莫大將軍靈次少抒朕追悼
之懷諸臣及左右侍從無不感涕

賜祭葬如典禮諡忠襄以其子尼滿襲爵旋
卒無嗣以弟喇哈達之子白啓爲後襲焉

庫爾禪列傳

庫爾禪滿洲廂紅旗人姓鈕祜祿氏世居長
白山祖曰賴盧渾父曰索塔蘭賴盧渾先爲
哈達都督携子索塔蘭及所屬來歸
太祖高皇帝嘉之

命索塔蘭尙主生子四庫爾禪其次子也天
命初年

召直文館十一月蒙古喀爾喀五部來議和
庫爾禪賫書泣盟九年二月往科爾沁修好
咸稱

旨授佐領

太宗文皇帝卽位

命諸貝勒率師征扎魯特部庫爾禪從及凱
旋

上勞諸貝勒將行飲至禮以館臣達海宣
旨詢出征事庫爾禪代諸貝勒奏言蒙

上天福佑

聖主威靈是以所向克捷天聰元年隨諸貝勒征朝鮮朝鮮王李侗遣使請罪庫爾禪與副將劉興祚往諭侗誓降庫爾禪還請上命朝鮮外臣不知侗已降也率步騎兵千人邀諸平壤庫爾禪集從者擐甲突圍而出朝鮮兵躡擊之乃令從者前行自率十騎殿殺三人疾馳六十里朝鮮騎兵三百人接跡至庫爾禪率十騎伏諸隘擊敗之斬其四將

兵五十餘級獲馬百卒達瀋陽既奏捷復賫諭還軍中申軍令定盟誓而還土謝圖額駙奧巴者以交通明國

上先遣書責之三年正月奧巴至庫爾禪承旨與館臣希福等復申前書意義之奧巴叩首服罪獻駝馬以謝四月奉

命兼司國史記注事四年正月

上親征明北京庫爾禪偕遊擊高鴻中先抵灤州以計啓其城門大兵遂入二月班師庫

爾禪與諸將率師駐守五月明監軍道張春
等來攻城庫爾禪與佐領覺善等勒兵出戰
奮稍踰塹直趨敵師明兵退走旋發砲焚城
樓壞堞堞急援之敵不能登遂與覺善斬發
砲敵兵都統圖爾格等以孤軍無援奔永平
敵圍益急復率衆力戰殺敵數人歸永平隨
大貝勒阿敏等棄城出關入朝待罪
上以其在滦州時有摧鋒陷陣功
命解其縛而賞之五年十月同副都統石廷

柱往諭明總兵祖大壽降十一月復使朝鮮
申約貢獻先是庫爾禪語佐領薩木哈云爾
白旂貝勒曾毀汝于

上前汝宜慎之我已爲汝解紛矣及薩木哈
獲罪被繫遂以其言具奏其使朝鮮也私修
漢字書遺朝鮮國王復與其侍郎私語受餽
遺獨厚事覺論死

特旨免之六年六月使往明得勝堡議和庫
爾禪違

命逾期始至和議既成得勝堡人各以物來
獻

上命庫爾禪語期引之來見及期又不至七
年二月坐巡將劉興祚事并議其前罪論死
劉興祚者明之開原人初干法開原道將捉
之興祚懼遂棄父母妻子來降

太祖既克遼東以興祚為副將領蓋復金三
州與庫爾禪友善既而以貪婪被劾落職陰
畜叛志為

上所覺加約束庫爾禪力保其忠興祚乘間
逃歸明及大兵征明陣斬興祚庫爾禪又收
殮焉至是論死產籍沒

上念其素著勤勞

命免籍家產

世祖章皇帝定鼎燕京復

念其前勞

詔依一等大臣例償以房地奴僕官其子瑪
喇為戶部郎中尋任護軍叅領

巴顏列傳

巴顏漢軍正藍旗人李永芳第五子也天聰八年襲父三等子爵崇德六年任叅領從太宗文皇帝征科爾沁有功復從圍錦州時明總督洪承疇領兵十三萬來援聞太宗親征遂退守松山我兵四出追擊巴顏與都統石廷柱等運巨砲以從大敗承疇于松山城下七年三月明副將夏承德獻松山城巴顏與石廷柱等奉

自收藏所獲鎗砲火礮以備用六月增漢軍四旗爲八旗巴顏任正藍旗都統八年九月隨鄭親王濟爾哈朗等征寧遠拔中後所及前屯衛順治元年二月敘寧遠功晉二等子五月同石廷柱統兵勦昌平州寇尋同都統葉臣徇直隸饒陽河南懷慶山西澤州潞安諸郡邑皆下之凱旋

賜白金五百兩二年十一月奉

命帥左翼兵與右翼都統李國翰會定西大

將軍和洛輝于陝西進勦四川三年正月流
寇孫守法賀珍等犯西安府巴顏與和洛輝
夾擊之殲其衆殆盡賀珍復并力拒戰巴顏
與副都統齊默克圖擊破之珍收合餘燼馬
步兵約五千列陣山上巴顏登山奮擊衆賊
未戰而走遂追敗之于濠泗河三月收勦黑
水峪斬守法降賊衆二千進勦流寇一隻虎
于商州賊兵二萬據山爲陣巴顏與和洛輝
督戰斬萬餘級復率兵偕副將王平等擊敗

延安諸路流寇追賊入山寨我兵掘壕圍之
夜潛攻克其寨擒斬賊渠獲馬騾無算五年
六月敘功晉一等子十一月帥左翼兵載紅
衣炮赴大同討反鎮姜瓖六年隨睿親王多
爾袞復渾源州又隨英親王阿濟格復左衛
隨英親王滿達海復朔州汾州及太谷諸縣
巴顏在軍中每指麾左翼兵發巨砲以攻所
向皆克八年敘平姜瓖功晉三等伯兩遇
恩詔加一等伯九年正月卒年三十有三

賜祭葬如例子釋迦保襲爵

阿什達爾漢列傳

阿什達爾漢姓納喇氏葉赫貝勒金白石同族兄弟之子

太宗文皇帝諸舅也

太祖高皇帝初年滅葉赫阿什達爾漢率屬來歸投佐領隸滿洲正白旗天命六年二月從征明攻奉集堡圍其城時八旗並進諸將無出其先者三月攻遼陽城先登克之論功

授一等輕車都尉

賜勅免死一次

太宗嗣位以阿什達爾漢典外藩蒙古事嘗奉使朝鮮並賞

勅諭歸附諸蒙古部落天聰六年明遣使議和

上命阿什達爾漢與文臣白格龍什等往報之既盟而歸白格以阿什達爾漢與龍什等私取明餽遺事奏

聞

詔追奪其所取財物七年六月隨貝勒濟爾哈朗薩哈璘鞫獄蒙古部賞

勅諭二十道遺失其九所司奏劾論罰如律十一月宣布

欽定律令於諸蒙古部落八年五月奉

命征兵科爾沁會大兵於宣府左衛時

上親征察哈爾其汗林丹遁走海上殂於道所部潰散其屬額爾德尼囊蘓等率眾來降

上命阿什達爾漢與前鋒統領吳拜等及額

爾德尼囊蘓往偵察哈爾汗子額哲九月携

其台吉寨冷等還復

命日察哈爾大臣若祁他特等率千人而來者踵相接也旋奉

命至春科爾大會蒙古諸部分畫牧地使各守封疆復與諸貝勒訊獄斷罪十一月還報

稱

旨命專轄一佐領事九年二月隨貝勒多爾

哀等率兵萬人往收察哈爾汗子額哲四月
師抵托里圖貝勒等遵

上所授方畧遣阿什達爾漢偕其族孫護軍
統領南褚先詣額哲母營見之額哲之母南
褚女兄阿什達爾漢族孫女也既見諭之降
額哲遂從其母舉部來降當我軍未至時有
鄂爾多斯濟農圖巴者來招額哲與盟而去
阿什達爾漢察其有異志追及圖巴羈留之
遂破其謀令悉還察哈爾之貨賄遺于鄂爾

多斯者又領兵畧明有大界至山西多俘獲
凱旋

上親迎勞之崇德元年六月授都察院承政
上御崇政殿侍臣巴圖魯詹額爾克戴青後
至阿什達爾漢與承政多爾濟達爾漢面責
之曰汝扈從臣何擅離職守而後至乎叱出
之十月偕文臣希福往察哈爾喀爾喀科爾
沁部明刑申禁宣

諭而還十二月從征朝鮮其國王李倬遁走

南漢山豫親王多鐸率師追之圍其城朝鮮
巡撫合兵萬八千來援分樹二柵悉衆出戰
阿什達爾漢同貝子碩託帥驍銳競進大破
其軍其副將以兵五千營山麓遙爲聲援別
遣兵百人沿河而下阿什達爾漢馳擊殲之
復攻拔其營餘衆皆潰明年正月李倬降七
月論功晉三等男世襲會遣大臣往科爾沁
巴淋扎魯特喀喇沁土默特祿等部頒
赦詔并會諸外藩清理刑獄阿什達爾漢爲

正使三年五月部議阿什達爾漢前往科爾
沁部察審諸事狗庇失寔且濫收諸藩貝勒
財賄應削職得

旨賈貫解部任追奪財物入官七月復任都
察院承政五年與叅政祖可法等疏奏時事
畧曰

皇上欲恢張治道深思篤行之今諸國景附
朝廷清明而諸王以下至都統彼此觀望顧
念身家莫肯精白一心爲國陳奏不知果無

可言耶抑有所畏忌而不敢言耶夫刑法者所以防民之姦也馱于法則麗於刑此不可宥也今刑部斷獄不依本律或從重論輒削其職臣思諸臣經戰陣出死力恩授一官一旦有過豈可不論重輕而遽革之乎臣等竊思先時簡選議事十人此時皆不稱職宜罷斥又例職官陣亡者子孫襲兵士陣亡者妻受賞今未盡行惟

聖主裁察疏入

上嘉納之六年大兵攻明錦州明總督洪承疇率師來援陳師松山

上親統大軍擊之明師宵遁分部諸將以追我偏將伊拜等駐兵杏山阿什達爾漢按其營壘及斬獲多寡之數敵衆旣潰

上合衆圍松山明總兵曹變蛟營于乳峰山堅壁不敢戰乘夜棄山寨率步騎直犯中軍入

御營時右翼大臣侍衛等俱未歸部伍軍中

大驚將士以死禦之始退

上以阿什達爾漢爲故舊大臣受心膂寄常隨侍左右是夜反安處帳中不至

御前防護遂歸本旂七年論松山失律諸臣罪罷承政任降世職爲騎都尉尋以疾卒年六十三子三席達禮次阿爾畢敦阿爾賓席達禮襲世職別有傳

李率泰列傳

李率泰漢軍正藍旂人李永芳次子也初名

延齡年十二卽入侍

禁廷

太祖高皇帝賜今名年十六以宗室女妻之太宗文皇帝親征察哈爾朝鮮及明錦州率泰俱從崇德八年隨貝勒阿巴泰征明至山東有勞績游擢副都統

世祖章皇帝順治元年正月授刑部叅政兼副都統率兵駐防錦州四月隨睿親王多爾袞入山海關破流賊李自成尋同都統金礦

招撫天津又率寧遠駐防兵平定山東河南
擒斬滿家洞賊將趙應元降其衆萬人二年
隨豫親王多鐸破流賊于潼關移師南征克
揚州下江寧分領精兵三百徇蘇州松江所
過城邑悉撫定惟江陰閉城抗拒督兵攻破
之三年隨端重親王博恪下杭州定福建敘
功授世職爲二等輕車都尉復以考滿兼一
雲騎尉五年海賊犯福州漳泉諸郡
詔率泰興靖南將軍陳泰同心協謀前往誅

勦至則擒斬賊渠曾慶等及餘党數萬賊鄭
彩連艘數千盤踞長樂連江城邑率泰會陳
泰分兵夾擊盡驅出海恢復二縣又統師直
入興化生擒僞總督顧世臣等十一人斬之
興化平先是福州爲賊困十四月城中民相
食江西賊郭天才僞稱援兵自杉關長驅抵
福州駐兵洪塘載米麥江上誘郡民出就食
會率泰提師抵建寧聞之間道飛檄巡撫使
偵備賊乃夜焚洪山橋掠就食者干人以遁

率泰至命有司收賊遺粟以甦餘民巡按御史周世科大治椿杵釘鉸之刑考掠士民恣取財賄巨萬率泰白之巡撫會劾之世科伏誅六年從征大同叛鎮姜瓖下保德州擒斬賊党牛化麟等敘功加一雲騎尉先是順治元年更定官制各叅政曰侍郎率泰仍以刑部侍郎兼任副都統事八年閏二月調吏部侍郎三月授宏文院大學士六月條奏三事一懲貪酷官吏一給滿洲兵丁馬匹草料一

酌量營造工程次第

上從之七月率泰與大學士陳泰誤增

恩詔赦欵復巧飾誑奏罷任降世職爲騎都尉尋遇

恩詔加一雲騎尉九年正月以吏部奉

恩詔予襲太濫

命削雲騎尉十二月奉

特旨晉三等男十年六月以大學士洪承疇荐授兩廣總督

兩州名臣傳

卷三

五十四

諭曰李率泰當永不敘用經畧輔臣既保爲
總督特允所舉著改過自新以圖報稱時明
桂王朱由榔居安隆其帥李定國擁兵粵西
十一年土賊廖篤增等結連定國爲寇率泰
遣兵分道進勦陣斬篤增于玉版巢十二年
定國犯粵東率泰領兵禦之敗其將高文貴
曾靖南將軍珠瑪喇率禁旅至合兵夾擊破
之于新會城下乘勝追逐克復高州雷州諸
郡所至軫恤民賴以安方新會被圍時城中

糧盡且食人兵衆掠婦女千餘口率泰言于
諸將盡釋之十三年

詔加太子太保調浙閩總督

諭以浙閩重地軍務方殷勅到卽兼程赴任
時逆賊鄭成功招集亡命嘯聚海濱爲江南
浙江福建寇害率泰旣莅任相度形勢以賊
揚帆鼓楫來往無常倘不急整舟師慮難擒
勦特疏增設水軍三千復與撫臣劉漢祚勦
帑選員刻期伐木增造號哨各舡百餘爲戰

御計十四年招降海寇陳德容並疏言捕勦
鄭逆宜離其黨與散其羽翼以撫佐勦又言
鄭成功之父芝龍不宜流徙寧古塔恐其地
近海由此而遁爲患更大

上悉是其言併

飭所司嚴守芝龍是年敘前破李定國功晉
一等男考滿加少保十五年正月招降賊党
僞都督唐邦杰僞副將林翀葉祿等三月奏
允調直隸山東河南山西江西步兵萬人赴

浙防守海汛會鄭成功犯溫郡平陽瑞安俱
陷浙東告警率泰調江寧滿洲兵助勦賊賊
退走七月

詔分浙閩總督爲二以都統趙國祚爲浙江
總督駐温州而以率泰總督福建駐福州九
月賊踞南安嶺窺福州賊党陳斌阮降復敘
率千餘人據羅星塔率泰馳檄會師焚其巨
艦千餘賊遁因以舟師圍之斌降率泰奏斌
屢叛狀誅斌于福州南十六年以會審羅源

縣敗逆事不詳究供詞部議瞻狗應革職得
旨革去世職仍總督任兵部又追諭率泰留
總督浙閩時不能保固封疆應革任復得
旨寬免罰俸一年仍戴罪圖功自贖康熙元
年正月率泰以漳州爲全閩門戶奏增設水
師二千及副將遊擊等官時定海小埕賊衆
盤踞率泰密會靖南王耿繼茂遣兵擊走之
又萬安所先經遷毀僞總兵楊宣等復于其
地築新壘率泰會提臣馬得功調兵夾勦賊
不能支揚帆遠遁六月招降僞總兵林俊奇
等六十一員兵千餘人二年九月降僞忠靖
伯陳輝等一百三十餘員兵一千六百及家
屬八百餘十一月招降賊將何義魏明等復
統建寧延平邵武將弁三路進勦山賊獲逆
渠王鉄佛斬之未幾海賊五百餘人由梁山
突犯內地率泰遣總兵王進加叅將折光秋
夾擊大敗之俘斬甚衆復與耿繼茂統率大
兵航海攻克廈門乘勝取浯嶼金門二島逆

滿洲各臣傳 卷三
賊鄭錦周全斌等勢窮宵遁三年二月擒斬
寧化山賊錢禾四月招降偽總兵林國樑五
月大兵至八尺門偽威遠將軍翁求多率兵
民六萬餘人納款率泰夜半渡海進拔銅山
焚燬賊巢斬首三千三百餘級偽永安侯黃
廷等率家屬兵民等三萬餘人出降獲舡艦
軍械無算鄭錦僅以數十艘遁支臺灣
聖祖仁皇帝優旨嘉獎下部議敘加秩正一
品六月率泰以病求罷

諭曰覽奏知病是寔當卽允所請但聞省按
誠官員兵民最為繫眾著親行安插務使得
所事竣日然後來京閏六月遣總兵李長榮
等出洋勦賊擒偽總兵張賢時閩海廈門各
島悉已蕩平惟南山鎮海佛潭橋猶為餘孽
盤踞九月率泰飭總兵官劉進忠等進勦陣
斬賊党七千有奇招撫男婦萬餘人十月別
遣兵會勦茶仔畚山寇生擒賊首余角仔斬
餘党無算四年三月再以病求罷


上慰留之六月以漳汀二府地甚遼濶奏定
守漳道仍駐漳州巡建道仍兼轄延平守建
道自建寧駐汀州兼轄改邵武五年正月卒
于官遺疏言閩海餘氛遠竄臺灣奉
旨撤兵與民休息洵爲至計惟是將衆兵繁
若撤之太驟則易致驚疑太遲又恐貽患日
下當安反側之心日久務防難制之勢紅毛
夾板船雖已回國然往來頻仍異時恐生變
端閩省兵馬錢糧專望協餉倘若外解不周

則有意外之虞至數年以來令濱海居民遷
移內地咸苦失其故業宜畧寬界限俾獲耕
漁稍甦殘喘疏上得

自李率泰原以才能蒙

世祖章皇帝特簡浙閩總督自任總督以來
克副簡任之意殫力報効勦撫賊寇多建功
績且忠清素著正資調度今以久任岩疆積
勞病殞深可憫惻下所司議卹加兵部尙書
予祭葬如典禮諡忠襄明年敘功追贈一等

男子正宗襲



滿洲名臣傳卷三終

天保三

